

## PRUDENTIUS M. AURELIUS CLEMENS (348 † post 405)

## LIBER CATHEMERINON

- 733                    III, 141. Fit caro vivida sermo Patris,  
numine quam rutilante gravis  
non thalamo, neque iure tori,  
nec genialibus illecebris  
intemerata puella parit.<sup>1</sup> PL  
59, 806
- 734                    IX, 19. O beatus ortus ille, virgo cum puerpera PL  
59, 864  
edidit nostram salutem, feta sancto Spiritu,  
et puer redemptor orbis os sacratum protulit.<sup>2</sup>
- 735                    XI, 53. Sentisne, virgo nobilis, PL  
59, 894  
matura per fastidia  
pudoris intactum decus  
honore partus crescere?  
O quanta rerum gaudia  
alvus pudica continet!  
ex qua novellum saeculum  
procedit, et lux aurea [...] <sup>3</sup>

## LIBER APOTHEOSIS

- 736                    435. Ex quo mortalem praestrinxit spiritus alvum PL  
59, 959  
Spiritus ille Dei, Deus, et se corpore matris  
induit, atque hominem de virginitate creavit:  
delica damnatis tacuerunt sortibus antra [...] <sup>4</sup>
- 737                    563. Haec nos in domini virtute et laude perenni PL  
59, 968  
non sequimur; sequimur, nullo quod semine terrae  
germinat: immundum quod non de labe virili  
sumit principium; tener illum seminat ignis,  
\* non caro, nec sanguis patrius, nec foeda voluptas. \*969  
Intactam thalami virtus divina puellam  
sincero flatu per viscera casta maritat.  
Incomperta ortus novitas iubet ut Deus esse  
credatur Christus sic conditus; innuba virgo

<sup>1</sup> CCL CXXVI, 16.<sup>2</sup> CCL CXXVI, 48.<sup>3</sup> CCL CXXVI, 62.<sup>4</sup> CCL CXXVI, 92.

nubit Spiritui vitium nec sentit amoris.  
 Pubertas signata manet, gravis intus, et extra  
 incolumis, florens de fertilitate pudica  
 iam mater, sed virgo tamen; maris inscia mater.  
 Quid rennis? Quid inane caput, non credule, quassas?  
 Angelus hoc sancto pronuntiat ore. Placetne  
 credere, et angelicis aurem reserare loquellis?  
 Ipsa coruscantis monitum sacra virgo ministri  
 \* credidit, atque ideo concepit credula Christum.  
 Credentes nam Christus adit; dubitabile pectus  
 sub titubante fide refugo contemnit honore.  
 Virginitas et prompta fides Christum bibit alvo  
 cordis, et intactis condit paritura latebris.

\*970

PL  
59, 970

Crede, quod emissus solio patris angelus infit;  
 vel, si concretus liquidam de sidere vocem  
 non capit auditus, mulier quid coniuge praegnans  
 clamet anus, credens, et tandem sobrius audi.  
 Mira fides! Utero puer interceptus anili  
 virgineum dominum materno ex ore salutat  
 primus, et infantem non natus nuntiat infans  
 iam nostrum vagire sibi: nam pusio nondum  
 norat, et ora deo reserabat garrula Christo.  
 Promite secretos fastos: date, pandite librum,  
 \* evomuit spirante Deo quem sanctus Isaias.  
 Percensere libet calamique revolvere sulcos,  
 sidereis quos illa notis manus aurea duxit.  
 Ite hinc, dum rutilos apices submissus adoro,  
 dum lacrimans veneror, dumque oscula dulcia figo.  
 Gaudia concipiunt lacrimas, dant gaudia fletum  
 advenit promissa dies, quam dixerat iste  
 adfore versiculus, cum virgo puerpera, teste  
 haud dubie sponso, pacti cui cura pudoris,  
 \* edidit Emmanuelque meum me cernere fecit.<sup>1</sup>

\*971

\*972

738

<sup>1</sup> CCL CXXVI, 96, 97, 98.

● PL 59, 845, 890, 899, 926, 929, 930, 941, 966, 972, 975, 1001.

● PL 60, 27, 28, 29, 101, 102.